

2002-06-12
kioskoa**Eneko Bidegain**

Ezkerraren berreraikuntza

Liberation-ek ezkerraren barne indarren azterketa eskaini zuen. «Legebiltzarreko hauteskundeak lehen itzuliak PSren nagusitasuna inposatu du». Eta egunkari honen ustez, «alferrrik da horrelako hegemonia deitoratzea, hautesleek baitute hautatu». Ondorioz, «ezkerraren berrikuntza PSTik baizik ez daiteke iragan».

L'Humanite ezkerraren «berreraikuntzari» begira jarri da. Lehen urratsa gelditzen diren ezkerreko hautagaiak irabazteko «mobilizatzea» dela dio. Ondotik, «eraman beharko diren borroka demokraziari zerbitzu egitea» izanen dira. «Indar horren beharra izanen dugu eskuinaren aurka borrokatzeko; ezkerria, berriro, pentsatzeko, bipolarizazio hilgarrian itxi gabe eta komunismoari berea izan behar litzatekeen lekuaren emateko».

Bitartean, eskuinaren nagusitasun osoaren «kalteei kasu ematea» galdengin du. Eskuinak «gogor eta laster joko du. Ofentsiba antisoziala bortitza izanen da». **Le Figaro**-k, noski, eskuineko boterearen alde idatzi zuen. «Batzuk entzunez, iduri luke diktaduran sartuko garela, gehiengoak botere politiko ia guztiak lituzkeelako». Hori erraitea, «sindikatuak, elkarrekin, prentsari, hautesleei garrantzi arraz gutxi» ematea dela zehaztu zuen egunkari horrek.

Sud Ouest «errepublikaren mekanismoak eta lehendakariaren zuhurtasunaz» fidatzen da, eskuinaren gehiengoaz ez beldurtzeko. «Gehiengo argi batera itzultzea demokrazia baketu baterako bilakara» litzatekeela dio. Haatik, ez du uste «gehiengo lehengarri» bat beharrezkoa denik, «Legebiltzar orekatu bat izatea litzateke ideala, gehiengo argi batekin eta oposizio indartsu batekin».

martintxo



hizpideak

Xantaia judiziala

Jon Abril kazetariaren aurkako bidegabekeriaren istorioaren azken atala gertatu zen atzo. Auzitegi Nazionaleko fiskalak akusazioa aldatu eta «koakzio» delitua egin zuela onartzea proposatu zion Jon Abrili, eta hala eginez gero, sei urteko kartzela zigorra beharrean sei hilabetekoa hitzartuko zutela, kartzelara sartzeko beharrik gabe. Errugabe

izateaz gain errugabetasuna frogatzeko aski argudio eta froga zituztela jakin arren, bi urteotan Auzitegi Nazionalean izandako esperientziak proposamena onartzera bultzatu zuen Jon Abril, kartzelatzea saihestearren.

Jon Abril ez dute espetxeratuko, eta ez da gutxi. Baina Ttipi-ttapako kazetari eta EGUNKARIAKO kolaboratzaileak bi urteotan jasan duena, eta azkenean jaso duen zigorra, bidegabekeria judizial handien zerrendetan sartzeko modukoa da. Auzitegi Nazionalaren aurrean gainerako telebista kamerek egin

zutena egiteagatik —Poliziaren ibilgailuak Auzitegi sartzeko grabatu bideoz— ETari lagundu izana leporatu diote bi urteotan; azken orduan, epaiketa hasi baino minutu batzuk lehenago, akusazioa aldatu eta xantaia judizialek urrutik ez dagoen proposamena egin dio fiskalak; giltzapean ez bukatzeko modu bakarra zelakoan akordioa onartu zuenez, sei hilabeteko kartzela zigorra ez ezik sei hilabeteko inhabilitazioa ere jaso du.

Garesti dago euskal kazetagintzan jardutea.



Jon Abrili elkartasuna adierazteko Iruñean atzo egindako kontzentrazioa.

Loya Jirga —leinueta ordezkarien biltzar handia— egiteko Kabulén bildutako ordezkariek.



Hamabostak ere zatituta

Atzo hasi ziren eztabaidatzen Europako Arrantza eta Nekazaritza ministroak orain gutxi Bruselak arrantza politika erreformaren inguruan egindako proposamenak, eta berriro ere argi geratu zen gai honetan herrialdeak zatituta daudela. Hegoaldekoek proposamenen aurka egin zuten, Fischlerrek proposatutako flotaren murrizketari zuzenean eragingo baitiote. Iparraldekoak, aldiz, erreformaren alde daude. Ezustekoa Danimarkak eman zuen ontzien desegitea sustatzeko plana kritikatu baitzuen.

Hamid Karzai Afganistango buru

Afganistango datozen bi urteetako trantsizio gobernuaren buru izango da Hamid Karzai jarduneko lehen ministroa, Loya Jirgako 1500dik gora kideek erabaki dutenez. Mohammed Zahir Sha errege ohiak eta Burhanuddin Rabbani presidente ohiak ere babestu dute, orain arte lehiakidetzat jotzen ziren arren. Herrialdea gidatu eta 2004an bozkatu deitu beharko ditu Karzaik. NBEko Afganistanerako misio-buru Lakhdar Brahimiren ustez, herrialdearen «duintasuna» berreskuratu du Karzaik orain arte.

Frantzia Munduko Kopatik kanpo

Egungo txapeladunak, Frantziak, agur esan dio Munduko Futbol Kopari, lehenengo fasean. Lehen bi partidetan puntu bakarra lortu ondoren txapelketatik kanpo geratzea aurreikusitakoa, baina txapelketa hasi aurretik inor gutxi espero zuen horrelakorik. Jokalari apartak ditu egungo txapeladunak, baina Zinedine Zidanearekiko menpekotasun handia erakutsi du. Frantzia izan da aurreneko ezusteko handia, baina beste hautagai batzuek —Argentinak edo Italiak esaterako— ere etxerako bidea har dezakete aurki.

Egunkaria 3.575. zenbakia

Ohorezko Lehendakaria: Martin Ugalde

Administratzaile Kontseiluko Lehendakaria: Joan Mari Torrealdai

Kontseilari Ordezkaria: Inaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idolo Sanz

Egoitza Nagusia: Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitate faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com

Batzorde Parekidea: 72664 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1. ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Iratxe Monasterioa, 45-13. esk. (Irritzidorra) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egoia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurdia, Nafarroa Beherea, Zuberoa: Pelletier 35,
64100 Baiona Tel.: 559593575 Faxa: 559257511